

(Schulden vnd lenden) an schulden vnd lenden. Vnd zoch hin ab / vnd wonet in der Steinkluft zu Etam.

Das ist / Er schlug sie / wie sie im fur Kamen / sie waren hohes oder nidriges Standes.

**D**A zogen die Philister hin auff vnd belagerten Juda / vnd lieffen sich nieder zu Lehi. Aber die von Juda sprachen / Warumb seid jr wider vns er auff zogen? Sie antworten / Wir sind er auff komen Simson zu binden / das wir im thun / wie er vns gethan hat. Da zogen drey tausent Man von Juda / hin ab in die Steinkluft zu Etam / vnd sprachen zu Simson / Weistu nicht das die Philister vber vns herrschen? Warumb hastu denn das an vns gethan? Er sprach zu jnen / Wie sie mir gethan haben / So hab ich jnen wider gethan.

Si sprachen zu im / Wir sind er ab komen dich zu binden / vnd in der Philister hende zu geben. Simson sprach zu jnen / So schweret mir / das jr mich nicht wehren wolt. Sie antworten im / Wir wollen dir nicht wehren / sondern wollen dich nur binden / vnd in jre hende geben / vnd wollen dich nicht todten / Vnd sie bunden im mit zweien neuen Stricken / vnd fureten in er auff vom Fels.

**V**ND da er kam bis gen Lehi / jauchzeten die Philister zu im zu / Aber der Geist des HERREN geriet vber im / vnd die Stricke an seinen Armen wurden wie faden / die das feur versenget hat / das die band an seinen henden zuschmolzen. Vnd er fand einen faulen Eselsteinbacken / Da reckt er seine hand aus vnd nam im / vnd schlug damit tausent Man. Vnd Simson sprach / Da liegen sie bey hauffen / Durch eins Eselsteinbacken / hab ich tausent Man geschlagen. Vnd da er das ausgeredt hatte / warff er den Kinbacken aus seiner hand / vnd hies die Stet Ramath Lehi.

Ramath

Lehi.

Setzte ein hin / ruff des Kinbackens.



**D**A in aber seer durstet / rieß er den HERREN an / vnd sprach / Du hast solch gros Heil gegeben / durch die hand demes Knechts / Nu aber mus ich dursts sterben / vnd in der Vnbeschnitten hende fallen. Da spaltet Gott einen Backenzaan in dem Kinbacken / das wasser er aus gieng / Vnd als er tranck / kam sein Geist wider / vnd ward erquicket / Darumb heisst er noch heut tags / des Anruffers brun / der im Kinbacken ward. Vnd er richtet Israel zu der Philister zeit / zwenzig jar.

20. jar.

Simson